

Երեկոյթին մասնակցում էին Հայկական ՍՍՌ Գերագույն սովետի նախագահության նախագահ, ակադեմիկոս Ն. Հարությունյանը, ՀԿՊ Կենտկոմի քարտուղար Գ. Հարությունյանը և ուրիշներ:

ԲԱԶՄԱՎԱՍՏԱԿ ԳԻՏՆԱԿԱՆԻ ՅՈՒՆԱՆՍՈՒՆԱՄՅԱԿԸ

Մեր հանրապետության գիտական հասարակայնությունը հանդիսավորությամբ նշեց Հայկական ՍՍՌ գիտությունների ակադեմիայի թղթակից-անդամ, Երևանի պետական համալսարանի ՍՍՌՄ պատմության ամբիոնի վարիչ, պատմական գիտությունների դոկտոր-պրոֆեսոր Վահան Ռշտունու ծննդյան 70 և գիտա-մանկավարժական գործունեության 50-ամյակը:

Դժվար, պատմական իրադարձություններով լի, միևնույն ժամանակ կյանքի ու գործունեության բեղմնավոր ուղի է անցել անվանի գիտնականը:

Վ. Հ. Ռշտունին ծնվել է 1894 թ. Վաղարշապատում (այժմ էջմիածին) Արևմտյան Հայաստանից գաղթած գյուղացի արհեստավորի ընտանիքում: 1904—1915 թթ. նա սովորում է էջմիածնի Գևորգյան ճեմարանում: Այդ տարիներին էլ նա ծանոթանում է մարքսիզմի ուսմունքին, մասնակցում ուսանողական հեղափոխական ցույցերին, նա ճեմարանի այն ուսանողներից էր, որոնք ընդվզում էին կղերական գաղափարախոսության դեմ:

Ճեմարանը հաջողությամբ ավարտելուց հետո ծավալվում է նրիտասարդ Ռշտունու մանկավարժական բեղմնավոր գործունեությունը՝ սկզբում Պարսկաստանի Թավրիզ քաղաքում, ապա Ախալցխայում, Սուխումիում, Թբիլիսիում: Միաժամանակ Վ. Ռշտունին 1919—1924 թթ. սովորում է Թբիլիսիի պոլիտեխնիկական ինստիտուտի հասարակական գիտությունների ֆակուլտետում և հաջողությամբ ավարտում այն:

1924 թ. սկսվում է Վ. Հ. Ռշտունու կյանքի և գործունեության նոր շրջանը: Վերադառնալով Հայաստան, նա դասավանդում է Երևանի կուսակցական դպրոցում, իսկ այնուհետև սկսում է դասախոսական աշխատանք կատարել Երևանի պետական համալսարանում, որտեղ և ծավալվում է նրա բազմամյա գիտա-մանկավարժական գործունեությունը:

Շուրջ քառասուն տարի է, ինչ Վ. Ռշտունին Երևանի պետական համալսարանի ուսանողների սիրված դասախոսն է, կադրերի այդ դարբնոցի հմուտ դարբինը: Համալսարանի կամարների տակ նա դաստիարակել, աճեցրել է հարյուրավոր մասնագետների, որոնք ինչպես մեր հանրապետությունում, այնպես էլ մեր հայրենիքի տարբեր ծայրամասերում յծվել են կոմունիստական հասարակության կառուցման վեհ գործին:

Միշտ ծիծաղկոտ, միշտ ժպտադեմ, միշտ կայտառ ու խոհուն, պահանջկոտ ու քարի, այդպիսին գիտնան անվանի գիտնականին բոլոր ուսանողներն ու դասախոսները:

Վաստակավոր գիտնականը Երևանի պետական համալսարանում առաջինը մշակեց ու կարգացրեց ՍՍՌՄ պատմության համալսարանական կուրսը, դառնալով ՍՍՌՄ պատմության ամբիոնի հիմնադիրը և մշտական ղեկավարը: Բացի համալսարանից, նա այդ տարիներին ՍՍՌՄ պատմության կուրսի դասավանդումը ստանձնել է նաև Խ. Աբովյանի անվան հայկական մանկավարժական ինստիտուտում և ՀԿՊ Կենտկոմին կից երկամյա կուսակցական դպրոցում:

Պետական համալսարանում Վ. Ռշտունին վարել է մի շարք ղեկավար պոստեր պատմա-տնտեսագիտական և պատմության ֆակուլտետի դեկան, ուսումնական մասի վարիչ, գիտական աշխատողների սեկցիայի պատասխանատու քարտուղար:

Պրոֆեսոր Ռշտունին մանկավարժական բեղմնավոր գործունեության հետ միաժամանակ զբաղվում է գիտահետազոտական աշխատանքներով: Նրա գիտական գործունեությունը ծավալվում է հատկապես Արմֆանի և Հայկական ՍՍՌ գիտությունների ակադեմիայի հիմնադրումից հետո, 1940 թ. Արմֆանի պատմության ինստիտուտում հաջողությամբ պաշտպանում է թեկնածուական դիսերտացիա «Հայ հասարակական հոսանքները և 1861, 1864, 1870 թթ. գյուղացիական ռեֆորմները» թեմայով: Մեկ տարի հետո, Մոսկվայում՝ ՍՍՌՄ գիտությունների ակադեմիայի պատմության ինստիտուտում պաշտպանում է դոկտորական դիսերտացիա՝ «Գյուղացիական ռեֆորմը Հայաստանում 1870 թ. և թեմայով: 1956 թվին պրոֆեսոր Ռշտունին ընտրվում է Հայկական ՍՍՌ ԳԱ թղթակից-անդամ:

Համալսարանում և գիտությունների ակադեմիայում Վ. Ռշտունու կատարած գիտահետազոտական աշխատանքները կայուն տեղ են զբաղում սովետահայ պատմագրության մեջ: Նա հատկապես մեծ ավանդ է ներդրել հայ ժողովրդի XIX—XX դարերի պատմության մի շարք

լուսաբանված պրոբլեմների մշակման գործում: Գիտնականը սովետահայ պատմաբանների շարքում առաջիններից մեկն էր, որ գլխավոր ռեզգրոսթյունը բեռնեց Հայաստանի սոցիալ-տնտեսական հարաբերությունների լուսաբանմանը:

Պրոֆեսոր Վ. Հ. Ռշտունու գրչին են պատկանում «Ֆեոդալական հարաբերությունները Արեւելյան Հայաստանում Ռուսաստանին միանալու նախօրյակին», «Գյուղացիական ռեֆորմը Հայաստանում 1870 թվին», «Ուրվագծեր Հայաստանի գյուղացիության պատմության», «Գյուղացիական շարժումները Հայաստանում XIX դ.», «Ծարիզմի ագրարային քաղաքականությունը և գյուղացիական շարժումները Հայաստանում XIX դարի երկրորդ կեսին», «Հասարակական հոսանքների պատմությունից XIX դարի ետեքֆորմյան շրջանում», «Անդրկովկասի կապիտալիստական զարգացման սոցիալիստական քննադատությունը XIX դարի 80-ական թվականներին», «Վրաստանում, Ագրեբջանում և Հայաստանում ցարիզմի ագրարային քաղաքականության պատմությունից», «Գյուղատնտեսության մեջ կապիտալիզմի զարգացման ուղիների հարցը Անդրկովկասում և այլ աշխատություններ, որոնք արժեքավոր ներդրում են սովետահայ պատմագրության մեջ, նա հեղինակ է մոտ 40 անուն գիտական և գիտա-մասսայական աշխատությունների:

Վ. Հ. Ռշտունին իր գիտա-մանկավարժական և հասարակական ակտիվ գործունեությամբ նպաստել է հանրապետությունում գիտա-մանկավարժական բարձրորակ կադրերի պատրաստմանն ու աճեցմանը: Նա համալսարանի պատմության գծով ասպիրանտուրայի հիմնադիրներից մեկն է, ղեկավարել ու աճեցրել է տասնյակ ասպիրանտներ: Բավական է ասել, որ նա եղել է թեկնածուական ավելի քան 50 և դոկտորական 10 դիսերտացիաների ընդդիմախոս:

Մեր կուսակցությունը և սովետական կառավարությունը ըստ արժանվույն են գնահատել պրոֆեսոր Ռշտունու ծառայությունները: Նա պարգևատրվել է Լենինի շքանշանով, արժանացել գիտության վաստակավոր գործչի պատվավոր կոչմանը, 70-ամյակի առթիվ պարգևատրվել ՀՍՍՌ Գերագույն սովետի պատվոգրով, երկու անգամ ընտրվել է Երևանի քաղաքային սովետի պետության:

Անվանի գիտնականը շնայած իր պատկառելի տարիքին, եռանդով ու սիրով շարունակում է գիտա-մանկավարժական աշխատանքը, մեծ ավանդ ներդնում հայրենի գիտության էլ ավելի զարգացման վեճ գործում:

* * *

Երևանի պետական համալսարանի նիստերի ղաղչիճում տեղի ունեցավ համալսարանի և ՀՍՍՌ գիտությունների ակադեմիայի միացյալ հորեկյանական երեկո՝ նվիրված պրոֆեսոր Վ. Հ. Ռշտունու ծննդյան 70 և գիտա-մանկավարժական գործունեության 50-ամյակին:

Երեկոն ներածական ճառով բացեց համալսարանի ղեկավար, կենսաբանական գիտությունների դոկտոր Հ. Բատիկյանը:

Վ. Հ. Ռշտունու կյանքի և գիտա-մանկավարժական գործունեության մասին ղեկուցումով ճանդես եկավ համալսարանի պատմության ինստիտուտի ղեկան Ռ. Մովսիսյանը:

Մեծավաստակ գիտնականին առաջինը ողջունեց Հայկական ՍՍՌ Միևիստրների սովետի բարձրագույն և մասնագիտական կրթության կոմիտեի նախագահ Գ. Հայրյանը:

Գիտությունների ակադեմիայի նախագահության ողջույնը՝ ուղղված պրոֆեսոր Վ. Հ. Ռշտունուն հրապարակեց ակադեմիայի հասարակական գիտությունների բաժանմունքի ակադեմիկոս-բարտուղար, ակադեմիկոս Մ. Գ. Ներսիսյանը:

Այնուհետև հորեկյանի ողջունի խոսքեր ասացին համալսարանի քիմիական ֆակուլտետի ղեկան Կ. Խաչատրյանը, պատմության ֆակուլտետի ղոցենտ Ա. Ներսիսյանը, ուսանող Ս. Խաչումյանը, ԳԱ պատմության ինստիտուտի ղերեկտոր, պատմական գիտությունների դոկտոր Գ. Գալոյանը, Խ. Արովյանի անվան հայկական մանկավարժական ինստիտուտի ղեկտոր Վ. Համադասպյանը, ՍԽԿԿ Կենտկոմի առնթևը մարքսիզմ-լենինիզմի ինստիտուտի հայկական ֆիլիալի ղերեկտոր, ԳԱ թղթակից-անդամ Մ. Աղսյանը, հանրապետության արխիվային վարչության պետ Ա. Հարությունյանը, Վ. Բրյուսովի անվան ղուսական մանկավարժական ինստիտուտի պրոռեկտոր Հ. Հակոբյանը, ակադեմիկոսներ Ա. Հովհաննիսյանը և Ս. Երեմյանը, մանկավարժ Խ. Նազարյանը, բանաստեղծ Գ. Գրիգոր:

Վերջում հրապարակվեցին հորեկյանի նստեցին ստացված ողջունի հեռագրերը:

Ա. ՍԱԴԱԳՅԱՆ: